

## Syarikat perlu jadi keutamaan

**Sejak** kebelakangan ini terdapat beberapa insiden yang mana pemegang saham telah memanggil mesyuarat agung bagi mencadangkan penyingkiran pengarah dan menggantikan barisan pengurusan berikutan perbezaan pendapat serta kemelut dalaman lembaga pengarah.



←  
**RITA BENOY  
BUSHON**

Walaupun Peraturan Penyenaraian membenarkan pemegang saham untuk mencalonkan dan menyingkirkan pengarah, kami berpandangan sebarang tindakan sedemikian perlu mengambil kira kepentingan syarikat terlebih dahulu.

Kami berpandangan penyingkiran pengarah harus disandarkan kepada niat yang betul. Contohnya, sebagai langkah untuk memulihkan syarikat.

Namun pada masa sama, keistimewaan ini tidak boleh disalahgunakan, sehingga boleh memudaratkan kepentingan syarikat, yang membabitkan perbalahan proksi yang berpanjangan.

Dalam kes MOL Global Inc, sebuah syarikat yang tersenarai di pasaran NASDAQ pihak pengurusan perlu segera menerangkan dengan jelas mengenai peletakan jawatan Ketua Pegawai Kewangannya dan kelewatan syarikat mengumumkan keputusan kewangannya ketiganya.

Kerugian besar dalam nilai saham yang dialami oleh pemegang saham minoriti adalah sesuatu yang membimbangkan, mengambil kira kepercayaan yang telah diberikan kepada syarikat dan pelan masa hadapannya yang telah diumumkan semasa tawaran awam permulaan (IPO) syarikat, baru-baru ini.

Bagi iCapital.biz Bhd yang mengadakan Mesyuarat Agung Tahunannya (AGM) semalam, ia berdepan tekanan tinggi daripada pemegang saham utamanya, City of London Investment Management Co Ltd berkaitan cadangan pelantikan semula salah seorang pengarah syarikat itu.

City Of London Investment, yang man datnya sebagai "pelabur jangka panjang, dar bukannya pelabur aktivis serta memberitahu bahawa ia tiada sebarang kaitan dengan Laxey Partners", telah menjelaskan kepada kami bahawa mereka mempunyai alasan tersen diri untuk tidak melantik semula pengarah terbabit.

Langkah itu selaras dengan Penyata Tadbir Urus Korporat dan Polisi Pengundian Dan Tertutup mereka.

Untuk maklumat lanjut, sila rujuk kepada pautan [http://www.citlon.com/corp\\_gov\\_statements.php](http://www.citlon.com/corp_gov_statements.php).

**Penulis** ialah Ketua Eksekutif Badan Pengawas Pemegang Saham Minoriti (MSWG)